



Icyegeranyo cy'amakuru y'imikino yaranze icyumweru

2023

Taliki 16-19 Kamena



P.1 Cricket : Ikipe y'u Rwanda yegukanye irushanwa ryo Kwibuka ku nshuro ya mbere

Ijambo ry'ibanke

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'lmikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

Ibirimo

- P1 **Cricket:** Ikipe y'u Rwanda yegukanye irushanwa ryo Kwibuka ku nshuro ya mbere
- P2 **Basketball:** u Rwanda rwongerewe amasezerano y'imyaka 5 yo kwakira imikino ya BAL
- P2 **Football:** FERWAFA yatangiye shampiyona y'icyiciro cya gatatu mu bagabo
- P3 **Basketball:** Uko imikino ya shampiyona yagenze
- P3 **Kung Fu Wushu :** u Rwanda rwungutse abasifuzi babiri bari ku rwego mpuzamahanga
- P4 **Football :** Ikipe y'u Rwanda yabuze itike ya CAN 2023
- P4 **Sitting Volleyball:** Ikipe ya Gasabo na Bugesera zegukanye irushanwa ryo Kwibuka
- P5 **Handball :** Habaye imikino isoza shampiyona
- P6 **Kung Fu Wushu :** u Rwanda rwegukanye imidali 16 mu irushanwa ryo Kwibuka
- P6 **Basketball :** FERWABA yabonye umuterankunga uzatanga miliyoni zisaga 400
- P7 **Cycling :** Byukusenge na Ingabire begukanye Shampiyona y'igihugu
- P8 **Volleyball:** Hasojwe imikino ibanza ya shampiyona

1 Cricket: Ikipe y'u Rwanda yegukanye irushanwa ryo Kwibuka ku nshuro ya mbere

Kuva taliki 10 kugeza 17 Kamena 2023 habaye irushanwa mpuzamahanga mu mukino wa Cricket mu bagore ryo Kwibuka by'umwihariko abari muri Siporo bishwe muri Jenoside yakorewe Abatutsi mu 1994 "Kwibuka Women's T20 Tournament 2023". Ikipe y'u Rwanda yitwaye neza yegukana igikombe ku nshuro ya mbere kuva iri rushanwa ryatangira gukinwa muri 2014.

Iri rushanwa ryari ribaye ku nshuro ya 9 ryateguve n'ishyirahamwe ry'umukino wa Cricket mu Rwanda "RCA" ku bufatanye na Minisiteri ya Siporo "MINISPORTS na Komite Olempike y'u Rwanda ryari ryitabiriwe n'amakipe 5 ari yo Uganda, Kenya, Nigeria, Botswana n'u Rwanda.

Aya makipe yakinnye hagati yayo umukino ubanza n'uwo kwishyura maze ikipe ya Uganda isoza iyoboye urutonde n'amanota 14, ikipe y'u Rwanda iza ku mwanya wa kabiri n'amanota 10, Nigeria ikurikiraho n'amanota 10, Kenya ku mwanya wa kane n'amanota 4 naho Botswana isoreza ku mwanya wa 5 n'amanota 2.

Ubwo hasozwaga iri rushanwa taliki 17 Kamena 2023, habaye umukino wo guhatanira umwanya wa 3 ndetse n'umukino wa nyuma yose ibera kuri Sitade Mpuzamahanga ya Gahanga.

Ikipe ya Kenya ni yo yitwaye neza yegukana umwanya wa gatatu itsinze ikipe ya Nigeria ku kinyuranyo cy'amanota 47.

Mu guhatanira igikombe, ikipe y'u Rwanda yitwaye neza itsinda Uganda.

Muri uyu mukino, ikipe ya Uganda ni yo yatangiye ikubita agapira ishaka amanota "Batting" aho mu dupira 120 "20 Overs" yakoze amanota 65, abakinnyi 10 bose basohorwa mu kibuga (10 Wickets).

Mu gice cya kabiri, ikipe y'u Rwanda yasabwaga amanota 66 ngo yegukane intsinsi yatangiye gukubita agapira ishaka amanota "Batting" maze mu dupira 97 (16.1 Overs) ikora amanota 66 mu gihe abakinnyi 4 ari bo basohowe mu kibuga (4 Wickets).

Kwibuka Womens T20 2023

(Third Position) 20 Ov. 🏆

GAHANGA CRICKET STADIUM, Kigali, 17-Jun-23 09:45 AM

KENYA WOMEN

99/3 (20.0 Ov)

NIGERIA WOMEN

51/10 (18.0 Ov)

KENYA WOMEN won by 48 runs

Kwibuka Womens T20 2023

(Final) 20 Ov. 🏆

GAHANGA CRICKET STADIUM, Kigali, 17-Jun-23 01:44 PM

UGANDA WOMEN

65/10 (20.0 Ov)

RWANDA WOMEN (RCA)

66/4 (16.1 Ov)

Rwanda Women (RCA) won by 6 wickets



Basketball: u Rwanda rwongerewe

amasezerano y'imyaka 5 yo kwakira imikino ya BAL

Taliki 19 Kamena 2023, ubuyobozi bwa "Basketball Africa League (BAL)", Urwego rw'Ighugu rw'Iterambere "RDB", Sosiyete Nyarwanda ikora ubwikorezi bwo mu Kirere "RwandAir" na Minisiteri ya Siporo "MINISPORTS" bongeye gusinya amasezerano y'ubafatanye azamara imyaka 5 akazasozwa muri 2028.

Kuva muri 2021 hatangiye gukinwa mu buryo bushya irushanwa ry'amakipe yatwaye ibikombe iwayo muri Basketball mu bagabo muri Afurika "Basketball Africa League (BAL)".

Binyuze muri RDB na RwandAir, ubuyobozi bwa BAL bwasinye amasezerano y'ubufatanye aho u Rwanda rwahawe kwakira imikino ya nyuma ya BAL, guhera kuri ¼ kugeza ku mukino wa nyuma kuva muri 2021 kugeza 2023.

Muri aya masezerano mashya y'imyaka 5, harimo ko u Rwanda ruzakira imikino ya nyuma ya BAL 2024,2026 na 2028. Muri 2025 na 2027, u Rwanda ruzakira imikino y'amajonjora "Conference" ikazabeta muri BK Arena.

Ubwo BAL yakinwaga bwa mbere, ikipe ya Zamalek yo mu Misiri ni yo yegukanye igikombe itsinze US Monastir yo mu Misiri amanota 76 kuri 63. Icyo gihe ikipe yari ihagarariye u Rwanda, Patriots BBC yasoreje ku mwanya wa 4.

Muri 2022, ikipe ya US Monastir yo muri Tunisia yegukanye igikombe itsinze Petro de Luanda yo muri Angola amanota 82 kuri 72. Ikipe ya REG BBC yari ihagarariye u Rwanda yaviriyemo muri ¼.

Muri 2023, ikipe ya Al Ahly yo mu Misiri ni yo yegukanye igikombe itsinze AS Douanes yo muri Senegal amanota 80 kuri 65. Ikipe ya REG BBC yari ihagarariye u Rwanda na bwo yongeye kuviramo muri ¼.



Football: FERWAFA yatangiye shampiyona

y'icyiciro cya gatatu mu bagabo

Taliki 17 Kamena 2023 hatangiye ku mugaragaro shampiyona y'icyiciro cya 3 mu bagabo mu mupira w'amaguru.

Mu muhango wo gutangiza iyi shampiyona habaye umukino wahuje ikipe ya AS Huye n'Ibisi FC, ubera kuri Sitade Kamena mu Karere ka Huye. Uyu mukino warangiyе ikipe ya AS Huye itsinze Ibisi FC igitego 1-0.

Shampiyona y'icyiciro cya gatatu mu bagabo izitabirwa n'amakipe 57 harimo 53 agomba gukina imikino y'amajonjora mu Ntara zose n'Umujiyi wa Kigali.

Nyuma y'umukino ufungura, biteganyijwe ko imikino y'umunsi wa mbere wa shampiyona y'icyiciro cya gatatu izaba taliki 24 na 25 Kamena 2023.



Basketball: Uko imikino ya shampiyona yagenze

Taliki 17 na 18 Kamena 2023 habaye imikino ya shampiyona mu mukino wa Basketball y'icyiciro cya kabiri mu bagabo.

Uko imikino yagenze



SUNDAY 18/06/2023		
SECOND LEG		
RUSIZI BBC	84-47	KICUKIRO BUCKETS
ITS KIGALI	62-55	KARONGI BBC
UR HUYE	64-53	REBERO BB ACADEMY



RANK	TEAM	PG	W	L	F	PTS	FOR	AGAINST	GD
1	RUSIZI BBC	16	16	0	0	32	1279	892	387
2	THE HOOPS	16	12	4	0	28	1134	995	139
3	ITS KIGALI BBC	16	12	4	0	28	1159	1021	138
4	INTARE BBC	16	9	7	0	25	1174	980	194
5	KARONGI BBC	16	8	8	0	24	965	845	120
6	UR KIGALI BBC	16	5	11	0	21	1023	1041	-18
7	ELITE BBC	16	5	11	0	21	1046	1041	5
8	KICUKIRO BUCKETS	16	5	10	1	20	905	930	-25
9	UK BBC	16	0	15	1	15	682	1622	-940

MEN DIV 2 | 2ND ROUND RANKING 18/06/2023 - GROUP B

RANK	TEAM	PG	W	L	F	PTS	FOR	AGAINST	GD
1	KEPLER BBC	16	15	1	0	31	1212	806	406
2	INSPIRED GENERATION	16	14	2	0	30	1290	791	499
3	AZOMCO BBC	16	11	5	0	27	915	948	-33
4	FLAME BBC	16	9	7	0	25	1127	995	132
5	UR HUYE BBC	16	8	8	0	24	1027	1070	-43
6	WIBENA BBC	16	8	8	0	24	941	901	40
7	REBERO BB ACADEMY	16	3	13	0	19	773	997	-224
8	BLACK THUNDERS BBC	16	4	11	1	19	768	1118	-350
9	SPARTANS BBC	16	0	13	3	13	563	990	-427

Kung Fu Wushu : u Rwanda rwungutse abasifuzi babiri bari ku rwego mpuzamahanga

Ishyirahamwe ry'umukino wa Kung Fu Wushu mu Rwanda "RKWF" ryungutse abasifuzi babiri bari ku rwego mpuzamahanga.

Aba basifuzi babiri, Iryamukuru Festus na Sibomana Abdalah babonye uruhushya rubemerera kuba abasifuzi mpuzamahanga bo ku rwego rwa kabiri "Licence B" nyuma y'amahugurwa bitabiriye i Cairo mu Misiri "International Wushu Judges Training course & Certification" kuva taliki 08 kugeza 14 Kamena 2023.

Ubwo bagarukaga mu Rwanda, taliki 15 Kamena 2023 bagaragaje ko bagiye kunoza umurimo wabo ariko bakazanafasha bagenzi babo kunoza imisifurire mu marushanwa atandukanye abera imbere mu gihugu n'ahandi hose mu mahanga bashobora kwitabazwa.

Aya mahugurwa yari yahuje abasifuzi bensi baturutse mu bihugu bigera kuri 45 byo hirya no hino ku isi.



Football : Ikipe y'u Rwanda yabuze itike ya CAN 2023

Taliki 18 Kamena 2023, ikipe y'u Rwanda "Amavubi" yatsinzwe na Mozambique ibitego 2-0 ihita ibura amahirwe yo kubona itike yo kuzitabira imikino ya nyuma y'Afurika "CAN 2023" izabera muri Cote d'Ivoire umwaka utaha muri Mutarama na Gashyantare 2024.

Muri uyu mukino w'umunsi wa 5 mu itsinda L wabereye kuri Sitade Mpuzamahanga ya Gahanga, ibitego bya Mozambique byatsinzwe na Geny Cipriano Catamo ku munota wa 43 na Clésio Palmirim David Baúque ku munota wa 4 w'innyongera.

Muri iri tsinda L, ikipe ya Senegal yanganyije na Benin iwayo igitego 1-1, umukino wabaye taliki 17 Kamena 2023.

Kuri ubu ikipe ya Senegal ni yo iyoboye urutonde n'amanota 13, ikerikiwe na Mozambique n'amanota 7, Benin ku mwanya wa 3 n'amanota 5 naho ikipe y'u Rwanda ikaza ku mwanya wa kane wa nyuma n'amanota 2.

Ikipe ya Senegal yamaze kubona itike naho ikipe ya Mozambique na Benin zitegereeje imikino y'umunsi wa nyuma wa 6 izaba muri Nzeri 2023 aho ikipe ya Mozambique izakira Benin. Ikipe ya Mozambique kugira ngo ibone itike irasabwa kunganya gusa naho Benin yo irasabwa gutsinda.

Undi mukino w'umunsi wa nyuma utazagira icyo uhindura uzahuza ikipe y'u Rwanda na Senegal.

Ikipe y'u Rwanda iheruka kwitabira imikino ya nyuma y'Afurika muri 2004 ubwo yaberaga i Tunis muri Tunisia.

Uko imikino yo mu itsinda L yagenze

Taliki 17-06-2023

- Benin 1-1 Senegal

Taliki 18-06-2023

- Rwanda 0-2 Mozambique



Sitting Volleyball: Ikipe ya Gasabo na Bugesera zegukanye irushanwa ryo Kwibuka

Taliki 17 na 18 Kamena 2023 kuri Sitade ya Bugesera habereye irushanwa rya Sitting Volleyball mu bagore n'abagabo mu rwego rwo Kwibuka by'umwihariko abari muri siporo bishwe muri Jenoside yakorewe Abatutsi mu 1994 "Sitting Volleyball Genocide Memorial Tournament 2023".

Iri rushana ryateguwe na Komite y'imikino y'abantu bafite ubumuga mu Rwanda "NPC-Rwanda" ku bufatanye na Minisiteri ya Siporo "MINISPORTS" na Komite Olempike y'u Rwanda.

Amakipe 7 mu bagabo n'andi 4 mu bagore ni yo yitabiriye iri rushanwa. Nyuma y'imikino y'amajonjora, mu bagabo, ikipe ya Gasabo yegukanye igikombe itsinze ku mukino wa nyuma ikipe ya Gisagara amaseti 3-1 (22-25, 25-17, 25-12 na 25-16). Ikipe ya Musanze yegukanye umwanya wa 3 itsinze Rusizi amaseti 2-0 (25-20 na 25-22).

Mu bagore, ikipe ya Bugesera ni yo yegukanye igikombe itsinze Gicumbi amaseti 3-0 (25-18, 25-08 na 25-10). Ikipe ya Musanze ni yo yegukanye umwanya wa 3.



Handball : Habaye imikino isoza shampiyona

Taliki 17 na 18 Kamena 2023 habaye isoza shampiyona mu mukino wa Handball mu cyiciro cya mbere mu bagabo n'abagore.

Nyuma y'iyi mikino biteganyijwe ko amakipe 4 mbere muri buri cyiciro azakina imikino ya kamarampaka "Playoffs" kugira ngo hamenyekane ikipe izagukana igikombe. Iyi mikino izabera muri BK Arena, taliki O2 Nyakanga 2023.

Uko imikino yagenze

Mu Bagabo

Taliki 17-06-2023

- St Martin Hanika **25-41** APR HBC
- Police HBC **43-22** UR Huye
- Vision JN **47-33** St Martin Hanika
- Gicumbi HBT **35-31** Police HBC
- APR HBC **35-26** Vision JN
- St Martin Hanika **37-36** Vision JN
- Gicumbi HBT **46-29** UR Huye
- ES Kigoma **44-36** Nyakabanda
- ADEGI **33-32** ES Kigoma
- ADEGI **29-28** Nyakabanda

Taliki 18-06-2023

- ADEGI **39-44** APR HBC
- Vision JN **38-36** ES Kigoma
- APR HBC **36-32** Police HBC
- Police HBC **45-25** ADEGI
- ES Kigoma **26-40** Gicumbi HBT
- Gicumbi HBT **40-18** Vision JN
- Nyakabanda **28-23** St Martin Hanika
- UR Huye **30-20** Nyakabanda
- St Martin Hanika **36-37** UR Huye
- APR HBC **34-16** St Martin Hanika

Mu Bagore

Taliki 17-06-2023

- UR Huye **06-23** Kiziguro SS
- GS Kitabi **22-12** UR Rukara
- ISF Nyamasheke **21-18** TTC de la Salle
- UoK **17-12** UR Huye
- TTC de la Salle **14-21** GS Kitabi
- Kiziguro SS **27-19** UoK
- UR Rukara **14-24** ISF Nyamasheke

Taliki 18-06-2023

- GS Kitabi **20-20** Nyamasheke
- UR Huye **13-19** UR Rukara
- UoK **27-19** TTC de la Salle
- Kiziguro **35-15** Nyamasheke
- TTC de la Salle **27-14** UR Huye
- UR Rukara **15-26** UoK
- Kiziguro SS **37-19** GS Kitabi

1ST DIVISION MEN'S NATIONAL LEAGUE TABLE STANDINGS										
RANK	TEAMS/CLUBS	GP	W	D	L	GF	GA	GD	PTS	
1	GICUMBI HT	16	16	0	0	655	412	243	48	
2	POLICE HC	16	13	0	3	692	395	297	42	
3	APR HC	16	13	0	3	573	443	130	42	
4	ES KIGOMA	16	7	1	8	580	627	-47	31	
5	ADEGI	16	7	0	9	529	633	-104	30	
6	VISION JN	16	5	0	11	500	609	-109	26	
7	UR HUYE	16	3	3	10	501	581	-80	25	
8	NYAKABANDA HC	16	3	1	12	395	569	-174	23	
9	ST MARTIN	16	2	1	13	466	622	-156	21	

WOMEN'S NATIONAL LEAGUE TABLE STANDINGS										
RANK	TEAMS/CLUBS	GP	W	D	L	GF	GA	GD	PTS	
1	KIZIGURO SS	12	12	0	0	338	161	177	36	
2	GS KITABI	12	8	1	3	262	230	32	29	
3	ISF NYAMASHEKE	12	8	1	3	275	225	50	29	
4	UOK	12	6	0	6	254	253	1	24	
5	UR RUKARA	12	3	0	9	168	214	-46	18	
6	TTC DE LA SALLE	12	3	0	9	185	243	-58	18	
7	UR HUYE	12	1	0	11	159	315	-156	14	



Kung Fu Wushu: u Rwanda rwegukanye imidali 16 mu irushanwa ryo Kwibuka

Taliki 17 na 18 Kamena 2023 habaye irushanwa ry'umukino wa Kung Fu Wushu mu rwego rwo Kwibuka by'umwihariko abari muri siporo bishwe muri Jenoside yakorewe Abatutsi mu 1994 "Kung Fu Wushu Genocide Memorial Tournament 2023".

Iri rushanwa ryateguve n'ishyirahamwe ry'umukino wa Kung Fu Wushu mu Rwanda "RKWF" ku bufatanye na Minisiteri ya Siporo "MINISPORTS" na Komite Olempike y'u Rwanda ryitabiriwe n'abakinnyi 114 baturutse mubihugu 6 birimo u Rwanda, Tanzania, Kenya, Uganda ,u Burundi na RDC.

Mbere yuko imikino itangira, taliki 17 Kamena 2023 abitabiriye bose basuye urwibutso rwa Jenoside rwa Kigali ku Gisozi bashyira indabo ku mva ndetse banasobanurirwa amateka ya Jenoside yakorewe Abatutsi mu 1994.

Irushanwa ryabereye muri STECOL Corporation mu cyanya cyahariwe inganda i Masoro. Abitabiriye irushanwa bahatanye mu byiciro bibiri birimo icyo kwiyereka "Taolu" ndetse n'icyiciro cyo kurwana "Sanda" hagendewe ku biro.

Ikipe y'u Rwanda ni yo yegukanye imidali myinshi 16 ikurikirwa na Kenya yegukanye imidali 5, Uganda yegukanye imidali 4, u Burundi bwegukanye imidali 2 naho Tanzania na RDC zegukana umudali 1.

Perezida wa RKWF, Uwiragiye Marc yatangaje ko irushanwa muri rusange ryagenze neza. Yakomeje avuga ko ari byiza kuba ibi bihugu byo mu Karere byitabiriye kugira ngo abaturutseyo bamenye amateka ya Jenoside yakorewe Abatutsi mu 1994 bityo bakomeze gufatanya mu kurwanya ingengabitekerezo yayo kugira ngo Jenoside ntizongere kuba ukundi.



Basketball: FERWABA yabonye umuterankunga uzatanga miliyoni zisaga 400

Taliki 16 Kamena 2023, ishyirahamwe ry'umukino wa Basketball mu Rwanda "FERWABA" ryasinye amasezerano y'imikoranire na Sosiyete ikora ibijyanye n'imikino y'amahirwe "betPawa Rwanda" izatanga miliyoni zisaga 400 mu gihe cy'imyaka 3 (2023, 2004 na 2025).

Aya masezerano yashyizweho umukono na Perezida wa FERWABA, Mugwiza Desire na Ntoudi Mouyelo, Umuyobozzi Mukuru wa Mchezo, ikigo gishamikiye kuri "betPawa Rwanda".

Muri iyi nkunga izifashishwa mu guhemba amakipe yitwaye neza n'abakinnyi ku giti cyabo mu mikino ya "Playoffs" n'imikino ihuza abatoranyijwe bitwaye neza "All-Star Games 2023".



Cycling: Byukusenge na Ingabire begukanye Shampiyona y'ighugu

Taliki 17 na 18 Kamena 2023 habaye shampiyona y'ighugu mu mukino wo gusiganwa ku magare "National Championships 2023". Byukusenge Patrick ukinira Benediction CC mu bagabo na Ingabire Diane ukinira ikipe ya Canyon//SRAM Generation mu bagore ni bo begukanye iyi Shampiyona ya 2023.

Nk'ibisanzwe Shampiyona yakinwe mu byiciro bibiri, taliki 17 Kamena 2023 abakinnyi basiganwe ku gitu cyabo hakarebwa igihe bakoresheje "Individual Time Trial" ahakoreshejwe inzira ya Nyacyonga – Cyamutara – Nyacyonga.

Taliki 18 Kamena 2023, habaye isiganwa ryo mu muhanda "Road Race" ahakoreshejwe inzira ya Kanyinya (Magerwa)-Gicumbi-Batsinda.

Uko shampiyona yagenze

Individual Time Trial (ITT)

- **Abagabo (30 km)**

1. Mugisha Moise 39'38"
2. Tuyizere Etienne 40'01"
3. Nsengiyumva Shemu 40'17"

- **Ingimbi (26 km)**

1. Shyaka Janvier 36'45"
2. Nshutiraguma Kevin 36'54"
3. Tuyizere Hashim 37'42"

- **Abagore (26 km)**

1. Ingabire Diane 40'59"
2. Nzayisenga Valentine 41'39"
3. Ntakirutimana Martha 42'20"

- **Abangavu (22 km)**

1. Uwera Aline 34'56"
2. Byukusenge Mariate 35'14"

Road Race

- **Abagabo (132.7 km)**

1. Byukusenge Patrick 03h17'27"
2. Uhiriwe Byiza Renus 03h17'40"
3. Nsengiyumva Shemu 03h17'40"

- **Ingimbi (93.5 km)**

1. Tuyizere Hashim LES 02h40'39"
2. Nshutiraguma Kevin 02h40'39"
3. Nizeyimana Fiacre 02h40'39"

- **Abagore (93.5 km)**

1. Ingabire Diane 02h50'10"
2. Mwamikazi Djazilla 02h50'10"
3. Mukashema Josiane 02h50'18"

Abangavu (85 km)

1. Byukusenge Mariate 03h02'
2. Uwera Aline 03h03'27"
3. Iragena Charlotte 03h03'56"



Volleyball: Hasojwe imikino ibanza ya shampiyona

Taliki 17 Kamena 2023 ni bwo habaye imikino isoza icyiciro cy'imikino ibanza muri shampiyona y'icyiciro cya mbere mu mukino wa Volleyball mu bagabo n'abagore "FRVB National Volleyball League 2023".

Uko imikino yagenze

Taliki 17-06-2023

Abagabo

- REG VC 3-0 IPRC Ngoma VC
- Gisagara VC 3-0 Kirehe VC
- APR VC 3-0 PRC Musanze
- Police VC 3-2 KVC
- REG VC 2-3 Gisagara VC

Abagore

- Police VC 3-0 Ruhango VC
- IPRC Kigali 0-3 IPRC Huye
- APR VC 3-0 RRA VC



**WOMEN PROVISIONAL RANKING
ROUND 3**

#	TEAMS	GP	W	L	SR	PTS
1	APR VC	5	5	0	15	15
2	RRA VC	5	4	1	3	12
3	POLICE W	5	3	2	1.8333	9
4	RVC	5	1	4	0.384	4
5	IPRC KIGALI	5	1	4	0.333	3
6	IPRC HUYE	5	1	4	0.214	2




**MEN PROVISIONAL RANKING
ROUND 3**

#	TEAMS	GP	W	L	SR	PTS
1	GISAGARA VC	7	6	1	3	18
2	APR VC	7	6	1	2.857	18
3	REG VC	7	5	2	2.125	15
4	POLICE	7	5	2	1.88	14
5	IPRC NGOMA	7	3	4	0.600	8
6	IPRC MUSANZE	7	2	5	0.411	6
7	KIREHE	7	1	6	0.368	4
8	KVC	7	0	7	0.380	2





Website: www.olympicrwanda.org

www.olympicrwanda.org/commonwealth

Email: cnosr@olympicrwanda.org | @RwandaOlympic

Address: Remera-Hallmark Center Building KG 17 Ave